



№ 01-27

„28“ თებერვალი 2019 წ.

ბ რ ძ ა ნ ე ბ ა

„საქართველოს ფიზიკური აღზრდისა და სპორტის სახელმწიფო სასწავლო უნივერსიტეტის აკადემიური პერსონალისათვის საკონკურსო კრიტერიუმების განსაზღვრის შესახებ“

„უმაღლესი განათლების შესახებ“ საქართველოს კანონის 35-ე მუხლის 1-5 პუნქტების, საქართველოს ფიზიკური აღზრდისა და სპორტის სახელმწიფო სასწავლო უნივერსიტეტის წესდების 26-ე მუხლისა და აკადემიური საბჭოს 2019 წლის 23 იანვრის (ოქმი №5) დადგენილებების საფუძველზე,

ვ ბ რ ძ ა ნ ე ბ ა:

1. დამტკიცდეს აკადემიური პერსონალისათვის საკონკურსო კრიტერიუმები, დანართის მიხედვით.
2. ბრძანება ძალაში შევიდეს 2019 წლის პირველი მარტიდან.
3. ბრძანება მისი გამოცემიდან ერთი თვის ვადაში შეიძლება გასაჩივრდეს თბილისის საქალაქო სასამართლოში.

რექტორი



ჯემალ მაგანია

საკონკურსო კრიტერიუმები აკადემიური პერსონალისთვის

1. გამოქვეყნებული სამეცნიერო სტატიები (ბოლო 5 წლის განმავლობაში):

1.1. სტატია თუ გამოქვეყნებულია Ebsco, Scopus, Elsevier ან Thomson Reuters-ის საერთაშორისო სამეცნიერო ელექტრონულ ბაზებში შემავალ რომელიმე თემატურ ჟურნალში – თითო ასეთი სტატია – 30 ქულა;

შენიშვნა: საქართველოში გამოცემული რამდენიმე საერთაშორისო ჟურნალიდან, ზემოაღნიშნულ ბაზებში შედის მხოლოდ ორი:

(ა) მეცნიერებათა ეროვნული აკადემიის მოამბე (ISSN - 0132-1447);

(ბ) Georgian Medical News (ISSN - 1512-0112).

1.2. სტატია თუ გამოქვეყნებულია საქართველოს ან საზღვარგარეთის რომელიმე სხვა საერთაშორისო ჟურნალში (რომელიც შეიძლება შედიოდეს ან არ შედიოდეს Google Scholar-ის საძიებო სისტემაში) – თითო ასეთი სტატია – 15 ქულა;

1.3. რესპუბლიკური მასშტაბის ჟურნალებში გამოცემულ ყოველ (ქართულენოვან ან უცხოენოვან) სამეცნიერო სტატიაზე – 5 ქულა.

2. გამოქვეყნებული წიგნები (ბოლო 10 წლის განმავლობაში):

2.1. შესაბამის დარგში გამოცემულ ყოველ წიგნზე – 60 ქულა;

წიგნად ითვლება გამოცემლობის მიერ პოლიგრაფიულად დასტამბული ნაშრომი, რომლის მოცულობა არ უნდა იყოს 150 გვერდზე ნაკლები.

2.2. პოლიგრაფიულად დასტამბულ ყოველ მონოგრაფიაზე (მინ. 100 გვ.) – 40 ქულა;

2.3. პოლიგრაფიულად დასტამბულ დამხმარე პროფილურ წიგნზე (მინ. 60 გვ.) – 20 ქულა;

2.4. გამოცემული პროფილური ბროშურა (25-60 გვ.), თითოეულზე – 5 ქულა.

იმ შემთხვევაში, თუ სტატიას/წიგნს/ბროშურას (იხ. 1.1.-2.4) ჰყავს რამდენიმე ავტორი, მაშინ, კონკურსში მონაწილე კანდიდატი მიიღებს მოცემული ქულის შესაბამის პროცენტს, ავტორთა რაოდენობის მიხედვით.

3. სამეცნიერო კონფერენციებში მონაწილეობა (ბოლო 5 წლის განმავლობაში):

3.1. საქართველოში, ადგილობრივ კონფერენციაში მონაწილეობა (მომხსენებლის რანგში) – 4 ქულა;

3.2. საქართველოში, საერთაშორისო კონფერენციაში მონაწილეობა (მომხსენებლის რანგში) – 7 ქულა;

3.3. საზღვარგარეთ, საერთაშორისო კონფერენციაში მონაწილეობა (მომხსენებლის რანგში) – 10 ქულა;

3.4. საერთაშორისო სამეცნიერო კონფერენციაში მონაწილეობა, საორგანიზაციო კომიტეტის წევრის რანგში – 15 ქულა;

3.5. საერთაშორისო სამეცნიერო კონფერენციაში მონაწილეობა, საორგანიზაციო კომიტეტის თავმჯდომარის რანგში – 30 ქულა.

4. კრებულის/წიგნის/მონოგრაფიის რედაქტორობა:

4.1. საერთაშორისო, პროფილური სამეცნიერო კრებულის რედაქტორობა (თითოეულზე) – 15 ქულა;

4.2. ადგილობრივი, პროფილური სამეცნიერო კრებულის რედაქტორობა (თითოეულზე) – 5 ქულა;

4.3. პროფილური წიგნის რედაქტორობა (თითოეულზე) – 10 ქულა;

4.4. პროფილური დამხმარე წიგნის რედაქტორობა (თითოეულზე) – 5 ქულა;

4.5. მონოგრაფიის რედაქტორობა (თითოეულზე) – 8 ქულა.

5. თარგმანები:

- 5.1. პროფილური წიგნის თარგმანი (პოლიგრაფიულად დასტამბული) – 15 ქულა;
- 5.2. პროფილური დამხმარე წიგნის თარგმანი (პოლიგრაფიულად დასტამბული) – 10 ქულა;
- 5.3. პროფილური მონოგრაფიის თარგმანი (პოლიგრაფიულად დასტამბული) – 10 ქულა.

6. პროფესიულ მოღვაწეობასთან დაკავშირებული გრანტის, სტიპენდიის მიღება:

- 6.1. დაფინანსების ქართული წყაროს შემთხვევაში, თითოეულზე – 10 ქულა;
- 6.2. დაფინანსების უცხოური წყაროს შემთხვევაში, თითოეულზე – 20 ქულა.

7. საკვალიფიკაციო ნაშრომების ხელმძღვანელობა:

- 7.1. სამაგისტრო ნაშრომის ხელმძღვანელობა (თითოეულზე) – 6 ქულა;
- 7.2. საბაკალავრო ნაშრომის ხელმძღვანელობა (თითოეულზე) – 3 ქულა;
- 7.3. ბაკალავრის ან მაგისტრანტის საკონფერენციო სამეცნიერო ნაშრომის ხელმძღვანელობა – 3 ქულა.

8. სამეცნიერო ან სარედაქციო საბჭოს წევრობა:

- 8.1. სამეცნიერო საბჭოს წევრობა (თითოეულზე) – 10 ქულა;
- 8.2. სარედაქციო საბჭოს წევრობა (თითოეულზე) – 5 ქულა.

9. საერთაშორისო აკადემიური გამოცდილება:

- 9.1. უცხოეთის უნივერსიტეტებში სამეცნიერო-პედაგოგიური მუშაობა–თითოეული ვიზიტი – 10 ქულა.

10. საგანმანათლებლო და სპორტულ დაწესებულებებში ტრენინგის ჩატარება:

- 10.1. თითოეული ასეთი ჩატარებული ტრენინგი – 5 ქულა.

11. მუშაობის სტაჟი:

პედაგოგიური საქმიანობა (პროფილური), სტაჟის/წლების მიხედვით:

- 11.1. 20-ზე მეტი – 20 ქულა;
- 11.2. 20 წლამდე – 16 ქულა;
- 11.3. 15 წლამდე – 12 ქულა;
- 11.4. 10 წლამდე – 8 ქულა;
- 11.5. 5 წლამდე – 4 ქულა.

12. სპორტული მიღწევები:

- 12.1. ოლიმპიური ჩემპიონი – 60 ქულა;
- 12.2. ოლიმპიური ვერცხლის მედალოსანი – 40 ქულა;
- 12.3. ოლიმპიური ბრინჯაოს მედალოსანი – 30 ქულა;
- 12.4. ოლიმპიური თამაშების მონაწილე – 20 ქულა.
- 12.5. მსოფლიო ჩემპიონი – 50 ქულა;
- 12.6. მსოფლიო ჩემპიონატის ვერცხლის მედალოსანი – 35 ქულა;
- 12.7. მსოფლიო ჩემპიონატის ბრინჯაოს მედალოსანი – 25 ქულა;
- 12.8. მსოფლიო ჩემპიონატის მონაწილე – 15 ქულა.
- 12.9. ევროპის ჩემპიონი – 40 ქულა;

- 12.10. ევროპის ჩემპიონატის ვერცხლის მედალოსანი – 30 ქულა;
- 12.11. ევროპის ჩემპიონატის ბრინჯაოს მედალოსანი – 20 ქულა;
- 12.12. ევროპის ჩემპიონატის მონაწილე – 10 ქულა.

13. სპორტულ დონისძიებებში მონაწილეობა (ბოლო 4 წლის განმავლობაში):

მსაჯის რანგში –

- 13.1. ოლიმპიურ თამაშებზე მსაჯობა – 20 ქულა;
- 13.2. მსოფლიო ჩემპიონატზე მსაჯობა – 15 ქულა;
- 13.3. ევროპის ჩემპიონატზე მსაჯობა – 10 ქულა;
- 13.4. საზღვარგარეთ ჩატარებულ საერთაშორისო ტურნირში მსაჯობა – 8 ქულა;
- 13.5. საქართველოში ჩატარებულ საერთაშორისო ტურნირში მსაჯობა – 6 ქულა;
- 13.6. საქართველოს ჩემპიონატის მსაჯობა – 4 ქულა.

მწვრთნელის რანგში –

- 13.7. ოლიმპიურ თამაშებზე ყოფნა, მწვრთნელის რანგში – 30 ქულა;
- 13.8. მსოფლიო ჩემპიონატზე ყოფნა, მწვრთნელის რანგში – 20 ქულა;
- 13.9. ევროპის ჩემპიონატზე ყოფნა, მწვრთნელის რანგში – 15 ქულა;
- 13.10. საზღვარგარეთ ჩატარებულ საერთაშორისო ტურნირზე ყოფნა, მწვრთნელის რანგში – 12 ქულა;
- 13.11. საქართველოში ჩატარებულ საერთაშორისო ტურნირზე ყოფნა, მწვრთნელის რანგში – 8 ქულა;
- 13.12. საქართველოს ჩემპიონატზე ყოფნა, მწვრთნელის რანგში – 5 ქულა.

შესაბამის აკადემიურ თანამდებობაზე გამოცხადებულ კონკურსში მონაწილეობის უფლება მიენიჭება იმ პირს, რომელიც დააგროვებს:

- პროფესორის აკადემიური თანამდებობის მაძიებელი – მინიმუმ 180 ქულას.
 - ამასთან, აუცილებელია ბოლო 5 წლის განმავლობაში პირს გამოქვეყნებული ჰქონდეს 2 პროფილური სტატია, 1.1. და/ან 1.2. პარაგრაფებში აღნიშნულ საერთაშორისო ჟურნალებში.

შენიშვნა:

 - ა). ეს ორი სტატია თუ შესრულებულია რამოდენიმე ავტორის მიერ, აუცილებელია, რომ პროფესორის აკადემიური თანამდებობის მაძიებელი პირი ორივეში მითითებული იყოს პირველ ავტორად;
 - ბ). იმ შემთხვევაში, თუ კონკურსანტები თანაბარ ქულებს დააგროვებენ, უპირატესობა მიენიჭება იმას, ვისაც უფრო მეტი სტატია ექნება გამოქვეყნებული 1.1. პარაგრაფში აღნიშნულ ჟურნალ(ებ)ში.
- ასოცირებული პროფესორის აკადემიური თანამდებობის მაძიებელი – მინიმუმ 120 ქულას.
 - ამასთან, აუცილებელია ბოლო 5 წლის განმავლობაში პირს გამოქვეყნებული ჰქონდეს 1 პროფილური სტატია, 1.1. და/ან 1.2. პარაგრაფებში აღნიშნულ საერთაშორისო ჟურნალში.

შენიშვნა:

 - ა). ეს სტატია თუ შესრულებულია რამოდენიმე ავტორის მიერ, აუცილებელია, რომ ასოცირებული პროფესორის აკადემიური თანამდებობის მაძიებელი პირი მითითებული იყოს პირველ ავტორად;
 - ბ). იმ შემთხვევაში, თუ კონკურსანტები თანაბარ ქულებს დააგროვებენ, უპირატესობა მიენიჭება იმას, ვისაც უფრო მეტი სტატია ექნება გამოქვეყნებული 1.1. პარაგრაფში აღნიშნულ ჟურნალ(ებ)ში.
- ასისტენტ პროფესორის აკადემიური თანამდებობის მაძიებელი – მინიმუმ 80 ქულას.

შენიშვნა:

1. ყოველი გამოქვეყნებული სტატია, რომელსაც კონკურსანტი წარმოადგენს, ზუსტად უნდა შეესაბამებოდეს საკონკურსოდ გამოცხადებულ სპეციალობას.
2. მე-12 და მე-13 პარაგრაფები ეხება მხოლოდ სპორტული დიციპლინების მიმართულების კონკურსანტებს.
3. კონკურსანტის ყოველი მონაცემი სათანადო დოკუმენტაციით, საბუთით უნდა იყოს დამტკიცებულ-დადასტურებული. წინააღმდეგ შემთხვევაში, საკონკურსო კომისია შეფასების, ქულის გარეშე დატოვებს კონკურსანტის დაუსაბუთებელ მონაცემებს.

აკადემიურ თანამდებობაზე არჩევის დამატებითი კრიტერიუმებია:

- ა). ციტირების ინდექსის სიდიდე Scopus-ში;
- ბ). სამეცნიერო სტიპენდიები და გრანტები;
- ბ). პროფესიული განვითარების ღონისძიებებში მონაწილეობა;
- გ) უცხო ენების ცოდნა.

დამატებითი კრიტერიუმები მხედველობაში იმ შემთხვევაში მიიღება, თუ ძირითადი საკონკურსო კრიტერიუმებით გასული კონკურსანტების რაოდენობა მეტი იქნება საკონკურსო ვაკანსიების რაოდენობაზე და ისინი დააგროვებენ თანაბარ ქულებს.